



A lokisetse Morena Sechaba se phethehileng (Luka 1,17)

Tel: 28 350 466/ 62600983 (WhatsApp)

M5.00

MOELETSI OA BASOTHO

PARARE DOMINO PLEBEM PERFECTAM

**LIA le Botho li
matlafatsa tšebelisano**

2


**Motlotlehi o ba
abela likhau**

5



TSEMA STRATEGY 2026-2031

LIFEME LIA BULO

www.moeletsioabasotho.co.lsRe se re fumaneha ho
marangrangEmail: newsroom@moeletsioabasotho.co.ls
Tel: +266 28350466/ Whats app: 62600983

MOELETSI

Mesebetsi e metle e tla o latela

LIA le Botho University li matlafatsa tšebeliso

Nthabeleng Seithleko

Mokhatlo oa Lesotho Institute of Accountants (LIA) le Botho University



li tlabotse selekane e le tumellano ea tšebeliso 'moho e reretsoeng ho matlafatsa tšebeliso lithutong tsa lipalo-palo, li-phuputsong le ntlafatsong ea litsebi.

Tumellano ena e tekennoe ka la 14 Phupu Monongoaha, ka sepheo sa ho hokahanya lithuto tsa sekolo le litlhoko tsa lefapha la mosebetsi e le ho hlahisa litsibi tse nang le bokhoni tsa lipalo, tse itokiselitseng mosebetsi ebile tse ka qothisanang lehlokoa le litsebi tsa machaba.

Mookameli e Moholo oa LIA, Mofumahali 'Malisebo Ntlhokoe, o re tšebeliso ena e tla netefatsa hore baithuti ba qeta lithuto tsa bona ba se ba loketse ho kena mosebetsing ebile ba fihlela lipehelo tsa machaba tse behiloeng ke LIA.

O boletse hore tumel-

lano ena ke mohato oa bohlokoa oa ho koala lehlokoa lipakeng tsa thuto le mosebetsi, hape e tla thusa baithuti ho ithuta ho sebetsa ka botšephehi, boikarabello le boetapele. O ile a tiisa hore lefapha la lipalo-palo le hloka batho ba nang le boitsoaro

e lula e ntlafatsa lenane la eona la lithuto hore le lumellane le litlhoko tsa 'maraka oa mosebetsi. O re tšebeliso ena e tla matlafatsa boleng ba lithuto, haholo nakong ena eo lefapha la lichelete le angoang haholo ke tšebeliso ea bohlokoa ba maiketsetso

Ha ngata ha o sebetsa e bile o sebeletsa sechaba, ka boitelo, ka botšephehi, ka boiphano, ka lerato, ka sebete, boitlhabo le ka boitsoaro bo bottle, ka nako e 'ngoe o ke ke oa elelloa hore o ntse o etsa hantle. Athe hona le batho ba ntseng ba o shebile haholo ha o sebeletsa sechaba e bile o behile hlomphe kapele. Litholoana tse behoang ke mosebetsi oa hao li'a hlaboseha, kaha batho ba lula ba khotsofetse ke uena.

Taba ena eo Rabasotho a e entseng ea ho fa Litho tsa Tšireletso likhau e bohlokoa haholo, hobane motho o pakoa ka mesebetsi ea hae e metle, 'me re bona e le hantle hore motho a tlotloe a sa phela. Hona hore bohle ba ntseng ba thuthuha ba tle ba qopitse ho etsa hantle kamehla e le hore khabareng le bona ba tle ba latsoe, hape e le ho kenya morolo tšebetsong ea bona ea letsatsi ka leng.

Batho ba mamelang litaelo le ho sebetsa ka tsona ke bona bana. Hona hore ba fetse ba hlomphe likano tsohle tsa bona, le ho sebeletsa sechaba ka lipelo tsohle tsa bona. Tšoarang joalo litho tsa bo rona e le ho khutlisa tšepo ho sechaba sa Basotho. Litaba tsena li etsahala ha ngata e le ho tlotla le ho keteka tsoalo ea Rabasotho, 'me ke mane moo ka Litsing tsa Tihabollo ea Batsoaruoa ho tla ba le ba tla lokoloa ka parola.

Koporasi ea LNDC e tšepisa hore khaho ea lifeme tsa Belo e tla fihla pheletsong ka Mphalane, 'me taba ena e file letona le ikarabellang tšepo e khohlo haholo hobane o ne a e ikesitse ka seqo a sa romella bohlokoa. Morero ona ke oa nako e telele haholo o sa phetheloe moo ho seng ho sebelitse chelete e kabang M1,1Billion feela lifeme li e-s'o qale ho sebetsa.

Letona le entse hantle haele mona le ile la ea inoesa ka nkho, 'me re leboha haele mona setsi sa tlhekiso ea metsi se se se phethetsoe, ho setseng feela ke hore se neheloane ho WASCO, e tla se tsamaisa le ho qala ho fana ka metsi lifemeng hang ha li qala tšebetso.

Rea tseba merero e kang ona e ama sechaba ka hore ba be ba fane ka masimo a bona, joale o fumane hore e ba bothata hore batho ba fumane matšelisano a bona ka nako, ntle hore joale litaba tseo li rarolloe ka Makhohleng. Ke boipiletsa ba rona hore litaba li ke li sebetsoa kapele le ka nako. Sechaba sa Basotho re lumela hore joale se tla khutla koana mabotsela ba tle hae haele mona mesebetsi e tla hlaha joale, ba ke ba tlohelle ho ba meutloa ea lintjeng, ba lelekisoa motšeaare le bosiu le hona ho hleketsoa ka ho koaloa. Moruo oa naha joale o tla hola, hobane mesebetsi e tlo hlahisa ka bongata etsoe Basotho ke sechaba se tsebang ho tsoara ka matsoho.

A ho utsoa a mangata, empa la ho tsoaroa le leng. Re tholetsa Ofisi ea Monamoli ka ho fana ka khotlaetso ka litaba tsa ka Lefapheng la phano ea libukana tsa ho eta haholo ho letona le ikarabellang. Ke moo letona le supile tsela. Ke khale sechaba sa Basotho se lla seboko sa phohomela ka phano ea litšebeliso tsa ka moo, hore taba bohloko ke tjojo. Bane ba re ba tla feela kae? Se ba pitile!

Ruri leoatlle le'a ithoekisa ba hlahelletse babelaelloa ba ntseng ba amohela tjojo, ha ba tlameha ho fa Basotho litšebeliso. Hoja hohle moo Monamoli a ileng a fana ka likhotlaetso ba ka li kenya tšebetsong, ruri mofoka ona naha e ka o ntša ka metso.

Phetoho ea boemo ba leholimo e se e le ntho eo re tlamehang ho phela le eona, ha e sa tlameha hore tšosa kapa hona hore beha tsietsing. Re ithutile hore morao tjena ntho e 'ngoe le e 'ngoe ea boemo ba leholimo e fihla ka sekhahla se seholo, pula, moea esita le eona komello.

El Nino ha se komello joalokaha letona le bolela, empa e le ho bontša feela hore monyetla oa hore re fumane lipula o tlo theoha hoo tloaelehileng. Taba ea bohlokoa ke hore feela re itokisetse boemo bona, ka ho bokella metsi, ho sebelisa mefuta ea lijalo tse mamellang komello, mekhoha ea temo e ballang mobu le metsi, noesetso e sebelisang metsi ka hloko.

Boipiletsa ke hore re lumele ho tataisoa ke ba Lefapha la Bolepi, e le hore re se tlohe ra nka liqeto tse fosahetseng.

MOLIMO A BOLOKE LESOTHO LE BASOTHO

Contacts: +266 28350 466

62600983 WhatsApp

Email: newsroom@moeletsiobasotho.co.ls

Sales and Marketing: (+266) 28 350 466/ 57396597 (WhatsApp)

MOELETSI oa BASOTHO
A LOKISETSE MORENA SECHABA SE PHETHEHLENG (LUKE 1:17)

EMAIL: editor@moeletsiobasotho.co.ls

sub-editor@moeletsiobasotho.co.ls

Mohale Lehlohonolo (Sub-editor)

(+266) 58 771 507 / 62 771 507

Journalists

Nthabeleng Seithleko

Tšelisano Thakholi

Production Desk: 'Mateele Liqa

57 665 038/ 68 216 271

58 540 853/ 63 480 404



HONOURING
HIS MAJESTY KING LETSIE III
ON HIS

63rd
Birthday

The Lesotho Highlands Development Authority joins the nation in celebrating the 63rd Birthday of His Majesty King Letsie III on 17 July 2026.

We honour His Majesty's championing of the Lesotho Highlands Water Project; leadership recognised globally with the Global Water Partnership (GWP) Water Changemakers Award for advancing water security and regional cooperation in Southern Africa.

As the Lesotho Highlands Water Project marks 40 years, we are grateful to celebrate this milestone alongside Lesotho's 60th year of independence, and with a leader whose vision has carried Lesotho's waters, and its name, to the world.

Happy Birthday, Your Majesty.



MOELETSI O TŠEHETSA BACHA

Tšeliso Thakholi

Ka lebaka la lera-to la ho itšoarela ka matsoho le ho ikopanya ka sepheo sa ho iqalla likhoebo tse fapakaneng, bacha ba bararo ba Maputsoe, seterekeng sa Leribe, e leng Thato Monese, Lintle Mapuru le Teboho Libakha, leha ba sa ka ba ithutela mesebetsi eo ba e etsang ea matsoho sekolong, e kang ea ho hlahisa sethopo sa lifate tsa liperekisi, ho roka 'track-suits' tse ntle tse mofuthu bakeng sa Mariha le ho kenya 'li-tile' tsa faatše le tsa maboteng ka makhethe kahar'a matloana, ba mpa ba ithutetse eona libakeng tse fapakaneng tseo ba kileng ba sebetsa ho tsona lilengoaneng tsa ho feta, ha ba qeta ho phethela lithuto tsa bona likolong tse phahameng, tšebetso ea bona e makhethe e fetotse bophelo ba bona.

Sethathong morero oa bona oa boikopanyo e ne e le ho hlahisa sethopo sa mefuta e fapakaneng ea lifate tsa meru, tse khabisang malapeng le tsa litholoana, empa ba hlokomela hore litsebo tseo ba nang le tsona li ka ba thusa ho ba le lihlahisoa tse 'maloa tseo ba ka tsebang ho iphelisa ka tsona, kaha bane ba se ba hlokometse hore ke bacha ba fokolang haholo ba nang le litsebo tsa ho hlahisa lifate, ho roka le ho kenya 'li-tile' tikolohong eo ba phelang ho eona le mathoko a eona.

BOIKOPANYO

Re qalile ho ikopanya ka selemo sa 2023 e le ha re ne re hlokometse hore leha re



ne re etsa mesebetsi o motle o bileng o leng makhethe, empa ka lebaka la hobane motho ka mong o ne a sebetsa a le inotši, khoebo e ne e sa tsamae hantle papisong le hona joale. Empa e itse hoba re ikopanye likhoebo tsa rona li tsamaea hantle haholo, kaha moo re kopanang le mathata re atleha ho thusana ka malebela a ho fenyha bothata boo e bang bo teng.

Ha re qala likhoebo tsena batho ba bangata ba ne ba hlile ba sa utloisisi hantle hore na ebe e hlile re habile hokae, empa ba ile ba 'na ba re tšehetsa ka hore fa mesebetsi ho fihlela tema eba e hla, re ba re reka mechini e 'meli e re thusa ho etsa 'li-tracksuit' tsa maemo ao bareki ba rona b'a hlokang. Ka tlhahiso ea 'li-tracksuit' re ile ra boela ra atleha ho reka thepa eo re e sebelisang bakeng sa ho kenya 'li-tile', 'me ra boela ra thusoa ke Lekala la Temo hore fumantša lithupelo bak-

eng sa ho hlahisa sethopo sa lifate ka mefuta ea tsona. Pele ho boikopanyo hone ho se bonolo ho fumana lintho tsa mofuta ona, 'me re lumela hore re ka be re ntse re le morao haholo hoja ra se ke ra ikopanya, etsoe Mosotho o ne a opile khomo lenaka ha a re; "kopano ke matla kaha lefu la noha ke ho tsamaea e le 'ngoe."

LEBAKA LA BOIKOPANYO

Re ne re ile ra ithuta hore litsebo tse ngata tsa bacha li iphelletse feela ka lebaka la ho sebetsa ka bo mong, kaha ha ba qala ba kopana le liqholotso ba se ba nyahama kapele ba tlohela mesebetsi e metle eo ba kabeng ba e ntšelitse pele ha bane ba ikopantse, etsoe bohlale habo haele ntloana-'ngoe. Hape ha re ikopantse mesebetsi ena ea rona e eloa hloko haholo ke baji ba litšebeletso tsa rona. Re boetse re ea thusana moo e bang e mong o

fumane mesebetsi o mongata. Mohlala re ile ra fumana mesebetsi oa ho ea kenya ntlo e liphaposi tse robeli 'li-tile', 'me ra e kopanela kaofela re le bararo ra e qeta ka nako e khutšoanyane haholo. Ka mantsoe a mang mesebetsi ka mong rea o kopanela, kaha re ena le litsebo tsa mesebetsi ena eo re e tsang.

MONATE OA HO ITŠEBETSA

Kholong ea rona re ne re sa tsebe hore ho monate ho itšebetsa, empa re ne re nka motho ea itšebetsang a sotlehile e bile e le sono, athe haho joalo. Re ile ra ratisoa taba ena ea boikopanyo ke bo-ntate ba bang ba bahoebi ba nang le khoebo e kholo ea meroho le litholoana kahar'a toropo ea Maputsoe, ba ntseng ba sebetsa 'moho le kajeno. Ba se ba bile ba ena le makalana a khoebo ena ea bona toropong ea T.Y le Butha-Buthe.

Re motlotlo haholo ka seo

re se etsang, kaha rea itšebetsa ha re ea hiroa, re batsamaisi kaofela ba likhoebo tsena tsa rona, re mpa re khethile a le mong hore ebe eena eo e leng mookameli molemong oa hore re se ke ra hatana litorong. Ho itšebetsa ke mesebetsi o manate haholo, feela o batlang batho ba nang le mamello, sebete le ho ba le lerato la seo motho a se etsang le ho sebetsa ka thata hore khoebo e atlehe. Rona ka 'nete ha rena takatso ho hang ea ho hiroa, kaha toro ea rona e le hore ka letsatsi le leng re be re e-na le feme e kholo e kopantseng mefuta ena e meraro ea likhoebo.

LIKATLEHO LE LIQHOLOTSO

Leha ho le joalo, ha ho tsela e senang moepa, kaha tse ling tsa liqholotso tseo re kopanang le tsona ke batho bao re tlabeng re ba sebelelitse haholo-holo hoba kenyetsa 'li-tile' eba ba lieha ho re lefa. Bothata bo bong



boo re ileng ra kopana le bona nakong ea ho feta ke ba boemo ba leholimo, bo neng bo ama tlhahiso ea sethopo sa rona, empa ba Lekala la Temo ba ile ba re fa malebela, bo sa ile moriting. Re boetse re se re ntse re beile leihlo bona ba El Nino le ho fumana malebela a ho bo hlola.

THOHOLETSO HO 'MUSO

Re rata ho thoholetsa 'muso oa habo rona ka maoala ohle ao o ntseng oa etsa ho leka ho thusa bacha ho iqalla likhoebo. Bacha ba habo rona re re moketa ho tsosoa o itekang. E mang fatše le ikopanye ka litsebo tseo le nang le tsona le tsebe ho itlhahisetsa mesebetsi. Ha le ikopantse ho bonolo haholo ho fumana litšehetso, kaha boikopanyo ba lona bo tla thusa ho hlahisetsa bacha ba bangata mesebetsi.



Motlotlehi o abela litho tsa tšireletso likhau

Nthabeleng Seithleko

Motlotlehi Letsie III o abetse litho tse 209 tsa makala a tšireletso likhau le ho ba tlotla bakeng sa tšebetso e ikhethang, moketeng o neng o tšoareletsoe Ntlong ea Borena ka la 14 Phupu Monongoaha.

Mokete ona ke qalo ea mekete ea ho keteka let-satsi la tsoalo la Motlotlehi, ha mokete o moholo o tla tšoareloa Mokhotlong ka la 17 Phupu Monongoaha.

Har'a ba neng ba le teng ebile; Tona-Kholo Nt-sokoane Matekane, Motlat-si oa Tona-Kholo Moahloli Nthomeng Majara, Mopresi-dente oa Senate, Motsamai-si oa Lipuisano ka Ntlong ea Bakhethoa ba Sechaba, Matona a 'Muso le baeme-li ba linaha tse fapakaneng Lesotho.

Har'a ba amohetseng likhau, ba 77 ke litho tsa Sesole sa Lesotho. Ba ile ba fuoa likhau tsa sebete, tšeb-



etso e ikhethang le tšebeletso ea lilemo tse 30.

Ka lehlakoreng le leng, litho tse 85 tsa Sepolesa sa Lesotho li amohetse likhau tsa tšebetso e ikhethang le tšebeletso e telele

le botšephehi. Ha litho tsa Litšebeletso tsa Lichankana tsa Lesotho tse 47, li ile tsa abeoa likhau tsa tšebeletso e ikhethang le tšebeletso ea lilemo tse 30.

Setho sa Sesole sa me-

hleng, Sergeant Mokone Mothabeng, ea abetsoeng khau ea sebete, o lebohile Motlotlehi le boetapele ba sesole ka ho ananela boite-lo le boinehelo ba litho tsa tšireletso ho boloka khotso

le botsitso Lesotho.

O boetse a leboha Motlotlehi ka ho hopola masole a ileng a lahleheloa ke bophe-lo nakong ea likhohlano tsa Thaba-Tseka lilemong tse fetileng, a re masole a 16 a ile a bolaoa, ha a robong a ile a pholoha.

Inspector Thabiso Papali oa Sepolesa sa Lesotho, o bontšitse thabo ka ho abe-loa khau, a re leeto la tšebeletso le bile le liphephetso tse ngata. O khothalelitse litho tsohle tsa makala a tšireletso ho tsoela pele ho sebetsa ka botšephehi, ho hlomphe likano le ho se-beletsa sechaba ka pelo eohle.

Ka lehlakoreng la Lichankana, Chief Officer Khama Letsie o itse o leboha ho ananeloa ka lilemo tsa hae tse 30 tsa tšebeletso. O boletse hore leeto leo ha lea ka la e-ba bonolo, 'me a khothaletsa basebet-si-'moho le eena ho tsoela pele ho sebetsa ka thata le ka boinehelo.

Motlotlehi Letsie III o hlahetse Sepetlele Scott, Morija, ka la 17 Phupu 1963.

Data ke lefa la naha– Masiu

Nthabeleng Seithleko

Mookameli oa Lefapha la Marang-rang a Tl-hahisoleseling le Puisano (ICT) Lekaleng la Mahlale le Tšebeliso ea ona (MICSTI), Khiba Masiu, o re 'data' ke lefa la naha le



lokelang ho sireletsoa le ho sebelisoa ka nepo kaha le thusa ho etsoa ha liqeto tse nepahetseng le ho matlafat-sa kholo ea moruo.

O buile tsena Maseru ka la 14 Phupu monongoaha nakong ea seboka sa pele sa therisano le bankakarolo mabapi le ho rala 'National Data Value Creation Blueprint', se hlophisitsoeng ke MICSTI.

O bontšitse hore leha 'data' e le letlotlo la bohlokoa, makala a mangata a 'muso a ntse a sebetsa

ka thoko tabeng ea pokello le tšebeliso ea 'data', e leng se bakang ho se sebelisane hantle le ho pheta-pheta mesebetsi.

A re ho hloka-hala tšebeliso-'moho ea bohle ho netefatsa katleho ea moralo ona, o reretsoeng ho hokahanya tsamaiso ea 'data' naheng.

Ho ea ka eena, moralo ona o tla thusa ho ntlafatsa phano ea litšebeletso tsa 'muso, ho matlafatsa ho etsoa ha liqeto tse thehiloeng

bopaking le ho potlakisa ntšetsopele ea naha.

Nyefolo Seboka oa Ofisi ea Lipalopalo (BoS), o itse data ea boleng bo holimo e bohlokoa bakeng sa hore 'muso o tsebe ho rala le ho kenya tšebetsong merero ea oona ka katleho. O re data e nepahetseng e tla fokotsa ho pheta-pheta mesebetsi makaleng a fapakaneng.

Ka lehlakoreng la likhoebo tse ikemetseng Shatu Nhlapho oa Cloud Hub



o hatelletse bohlokoa ba boitlamo ba baetapele ba lipolotiki. A re Lesotho le na

le bokhoni ba ho fihlela, esita le ho feta, lipehelo tse behiloeng moralong ona lile-mong tse leshome tse tlang.

Le eena, e mong oa bankakarolo, Nelson Mon-yamane, o boletse hore katleho ea moralo ona e tla itšetleha ka ho ba teng ha melao le maano a loketseng a tataisang pokello, tšireletso le tšebeliso ea data.

Seboka sena se tšehelitsoe ke balekane ba ntšetsopele ba kenyeletsang Smart Africa, African Union le Boemeli ba Jeremane, har'a ba bang.

Leoatle le ea itlhoekisa – Tsheka

Nthabeleng Seithleko

Letona la Sepolesa, Borena le tsa Lehae, Mohlomphehi Voeswa Tsheka, o kopile tšoarelo ho sechaba sa Lesotho, ka lebaka la mathata a bileng teng litšebeletsong haholo-holo mabapi le ho ntšoa ha libukana tsa ho eta. Litaba tsena li hlahelletse, 'mokeng oa bo-ralitaba ka la 14 Phupu monongoaha.

Tšoarelo ena e latela tlaleho ea Ofisi ea Monamoli, a ileng a fana ka likhothaletso tsa ho ntlafatsa litšebeletso tsa lefapha lena. Le hoja tlaleho e ne e laela hore tšoarelo e etsoe nakong ea matsatsi a 30, Letona le hlahositse hore le ile la kopa katoloso ea matsatsi a

mang a 30, e le hore le be le nako ea ho ithuta ka botlalo mathata a teng pele le bua le sechaba.

Ka lehlakoreng le leng, Letona le boletse hore ho se ho bile le tsoelo-pele e kholo ho fokotsa palo ea batho ba ntseng ba emetse libukana tsa ho eta. Le re palo eo e theohile ho tloha ho 61,000 ho ea ho 35,000, kamor'a hore lefapha le atlehe ho fana ka libukana tsa ho eta tse ka bang 26,000.

Le boetse le hlahositse hore hajoale lefapha le hatisa libukana tsa ho eta tse pakeng tsa 1,200 le 1,600 ka letsatsi, e leng mohato o reretsoeng ho potlakisa phano ea litšebeletso le ho felisa tšitiso e bileng teng ka nako e telele.

O tsoetse pele hore Lekala lena le lokela ho khutlela mekhoeng e ntlafetseng

ea khiro, e le hore hobe le ponaletso mosebetsing oa bona.

O re leoatle le ea itlhoekisa, kaha ho se hona le bahlanka ba 16 ba seng ba t'soaroe ke ho nka tjo-tjo. O re ba 6 ba se ba ntse ba batlisisoa ba romeletse sepole-sa ho beha boemo leihlo. O re ho nt'sa tjo-tjo ka metso ho tla ba thusa hore sechaba se be le t'sepo ka lit'se-

beletso tseo ba fanang ka tsona tseo boholo ba neng ba sena t'sepo ea tsona.

E mong 'Mampho Raleloko, o hlahositse hore le hoja a nkile matsatsi a ntse a ea lit'sebeletsong, empa o motlotlo hore o fumanane lit'sebeletso moo a bileng a fumaneng bukana ea hae ea ho eta, 'me o tla a tleha ho khutlela mosebetsing ka nako.



Lifeme tsa Ha Belo li lebeletsoe ho qala tšebetso

Nthabeleng Seithleko

Letona la Khoebob, Mesebetsi e Meholo le Ntšetsopele ea Likhoebo, Mohlomphehi Motlatsi Maqelepo, o hlalosa hore ho se ho sebelisitsoe chelete e ka bang M1.1 bilione morerong oa Belo Industrial Estate, leha lifeme li ntse li

bohlokoa ba lekala la tlhahiso (manufacturing), empa kajeno, ka lebaka la ho koaloa ha lifeme tse ngata Maseru, moruo oa naha o'a ameha. O itse khoebo eohle e amanang le lifeme e amehile, 'me Maseru ea kajeno ha e sa tsoana le ea mehleng, eo lifeme li neng li sebetse ka botlalo. O hateletse hore lekala la tlhahiso le kenya letsoho haholo kholong ea moruo

ha ho tsoela pele ho hohela batseteli, ha ka nako e tsoanang le matlafatsa Basotho hore e be beng ba lifeme nakong e tlang. Ka lehlakoreng le leng, Setho sa Paramente sa Botha-Bothe No. 5, Mohlomphehi Karabo Pholosa, o kopile LNDC ho lefa ka potlako matšeliso ho ba ileng ba fana ka masimo a bona bakeng sa morero ona.



eso qale tšebetso lilemo tse 'maloa kamor'a ho qaloa ha morero. Khaho ea sebaka sena sa lifeme e ile ea thakholoa ka molao ka Hlakubele 2018 ka mokete oa ho hlahloba mobu. Leha meaho ea lifeme e se e phethetsoe khale, lifeme ha li e-s'o qale tlhahiso.

Ka la 13 Phupjane Monongoaha, Letona le ile la etela sebaka sena ho hlahloba tsoelo-pele ea morero, 'me la bontša tšepo ea hore lifeme li tla qala ho sebetse ka Mphalane selemong sena. Mohlomphehi Maqelepo o itse sepheo sa ketelo eo e ne e le ho netefatsa tsoelo-pele e tlahleloeng ke Lesotho National Development Corporation (LNDC), ha a ntse a ananela katleho e seng e fihletsoe le liphephetso tse ntseng li tobane le morero.

O boetse a re haufinyane o kopane le batseteli ba tsoang Afrika Boroa ba bontšitseng thahasello ea ho bula likhoebo Lesotho. Ho ea ka eena, batseteli bao ba tiisitse hore basebetsi ba Basotho, ba sebetse ka thata ebile b'a tšepahala. Letona le itse ba bangata ba ne ba sa elelloe

oa naha (GDP), thepa e romelloang kante ho naha, tlhahiso ea mesebetsi le ntšetsopele ea moruo. Ka hona, o re Lesotho le tlame-

O itse lipuisano tsa matšeliso li qalile lilemo tse ka bang 24 tse fetileng, empa ho fihlela kajeno batho ba bang ha ba e-so lef-

Batsoali ba tlohele ho lata bana

Nthabeleng Seithleko

Lehae la bana ba nang le maemo a amang boko (neuroconditions) le Koalabata Khekhenene, Berea, le thusa bana ho fumana litsebo tsa bohlokoa tsa bophelo e le hore ba tsebe ho ikemela, kaha ba bang ha une molemo tsamaisong e tloaelehileng ea thuto ea motheo.

Mothehi oa lehae lena, Teboho Khohloloane, ka la 14 Phupu Monongoaha. O itse o thehile setsi sena kamor'a ho hlokomela hore tsamaiso ea thuto ea motheo ha e fihlele lithoko tsa bana ba bang le maemo a amang boko, haholo-holo ba hlokanang thuso e khethileng ho ithuta litsebo tsa letsatsi le letsatsi.

Khohloloane o itse lehae lena hajoale le hlokomela bana ba 17 ba lilemo tse

pakeng tsa tse peli le 21, ba phelang le 'autism', lefu la sethoathoa le maemo a mang a amang boko.

O itse pele lehae lena le ne le hlokomela bana ba 25, empa ba bang ba neng ba e-na le 'cerebral palsy' ba ile ba tlameha ho tlosoa kaha setsi sena ha se na lisebelisoa tse lekaneng ho ba hlokomela.

A re bana ba nang le maemo ana ba tobana le mathata a mangata, ho kenyeletsoa le khaello ea menyetha ea thuto e lumellanang le lithoko tsa bona. O hlalositse hore ba bang ha ba khone ho ngola kapa ho latela lithuto tsamaisong e tloaelehileng ea thuto.

Ka lebaka leo, thuto e fanoang lehaeng lena e shebane haholo le ho ruta bana litsebo tsa bophelo ho fapana le thuto ea motheo feela. O tsoetse pele hore ba qala ka ho ruta bana litsebo tsa



shoe.

Pholosa o boetse a re maemo a hajoale Afrika Boroa a bontša bohlokoa ba hore lifeme tsa Belo li qale ho sebetse kapele, e le hore Basotho ba fumane mesebetsi naheng ea habo bona ho e-na le ho ea e batla linaheng tse ling.

Mookameli oa Morero oa Motlakase oa Lesotho Steel Production Belo Electrification Project, Seema Mofubetsoane, o itse ha ba nka morero ba fumane hore mesebetsi o mong o neng o entsoe ke rakonteraka oa pele o ne o sa fihlele maemo a hlokalahalang, ka hona

ba ile ba tlameha ho o lokisa pele ba tsoela pele.

Leha ho le joalo, o netefalitse hore motlakase o tla be o hoketsoe lifemeng mafelong a Mphalane, ha mesebetsi oa ho atolosa mohala oa motlakase ho tloha Khukhune o ntse o tsoela pele.

Nakong ea ketelo eo, baetapele ba ile ba boela ba etela setsi sa tlhoekiso ea metsi se seng se phethetsoe. Setsi seo se emetse ho nehelo ho Water and Sewerage Company (WASCO), e tla se tsamaisa le ho qala ho fana ka metsi lifemeng hang ha li qala tšebetso.

mantlha tse kang ho sebelisa ntloana ka bo bona. Ba boetse ba rutoa ho iphepa le ho hlokomela bohloeki ba 'mele.

O itse bana ba bontšang thahasello ea ho pheha ba fua monyetla oa ho ithuta litsebo tsa mantlha tsa ho pheha. A re bana ba nang le maemo a amang boko ba boetse ba tobana le mathata sechabeng, kaha batsoali ba bang ba ntse ba pata bana ba bona ka lebaka la ho se utloisisa maemo a bona, athe ba bang ba ntse ba khesoa kapa ba bitsoa mabitso a nyelisang ke sechaba.

O itse batsoali ba bang butle-butle ba qala ho amohela maemo a bana ba bona kamor'a ho kopana le batsoali ba bana ba seng ba holile ba amohetseng maemo ao le ho bona tsoelo-pele ea bona.

A re sena se thusa batsoa-

li ho utloisisa hore bana ba nang le maemo a amang boko ba ka hola, ba ithuta le ho ba le boikemelo haeba ba fua tšehetso e nepahetseng.

O boetse a supa hore lehae lena le tobane le mathata a kenyeletsang bana ba senyang thepa, e leng se etsang hore ho be thata ho amohela bana bohle ba hlokanang thuso.

A eketsa ka hore bana ba nang le maemo ana hangata ba thatafalloa ke ho ithalosa, ka hona ba hloka mameello, kutloisiso le tšehetso e tsoelang pele.

Leha ho na le mathata ana, Khohloloane o itse lehae lena le atlehile ho thusa bana ho fumana litsebo tse fapakaneng tsa bophelo, tse ba thusitseng ho ikemela haholoanyane. O boetse a re batsoali ba se ba fumane kutloisiso e batsi ka maemo a bana ba bona.

El Nino ha e bolele komello



Nthabeleng Seithleko

Leha bolepi ba leholimo bo bontša monyetla oa hore Lesotho le ka fumana lipula tse ka tlaase ho tse tloaelehileng nakong ea lipula tsa 2026/2027,

Letona la Tikoloho le Meru, Mohlomphehi Thabo Mofosi, le khothaletsa Basotho hore ba se ke ba tšaba kapa ba nka hore El Nino e bolele komello ka kotloloho.

Puisanong le Koranta, ka la 13 Phupu Monongoaha, Letona le hlalositse hore El Niño ke e 'ngoe feela ea lintlha tse susumetsang maemo a leholimo. O itse bongata ba pula bo boetse

bo itšetlehile ka maemo a maoatle a India le Atlantic, potoloho ea moea lefatšeng hammoho le matla le nako eo El Niño e hlahang ka eona.

Leha nalane e bontša hore liketsahalo tse matla tsa El Nino tsa 1991/92 le 2015/16 li ile tsa baka komello e matla, ho bile le lilemo tse kang tsa 1987/88, 2006/07 le 2018/19 moo

likarolo tse ling tsa naha li ileng tsa fumana lipula tse tloaelehileng kapa tse fang tse tloaelehileng. Sena se bontša hore El Niño ha e felle ka komello kamehla.

'Muso o se o qalile mehato ea boitokisetso e kenyeletsang ho matlafatsa tsamaiso ea taolo ea likoluoa, ho khothaletsa temo e ikamahanyang le liphetoho tsa maemo a leholimo, pokello le paballo ea metsi, hammoho le tšebeliso-'moho le mekhatlo e sebetsanang le phepo ea sechaba le taolo ea likoluoa.

Litsebi li boetse li eletsa lihoai ho sebelisa mefuta ea lijalo e mamellang komello, mekhoea ea temo e baballang mobu le metsi, nosetso e sebelisang metsi ka hloko, hammoho le temo ea 'greenhouses' ho fokotsa tahlehelo haeba pula e ka fokola.

Ho malapa le likhoebo, tharollo e boetse e kenyeletsa ho bokella metsi a pula, ho sebelisa metsi ka hloko le ho latela litsebisotse semmuso tsa Lefapha la Bolepi ba Leholimo ha ho etsoa liqeto tsa temo kapa tsa khoebo.

Letona le ipilelitse ho Ba-

sotho hore ba qobe ho late-la menyenetsi kapa litaba tse sa netefatsoang, kaha li ka baka tšabo e sa hlokalang le liqeto tse fosa-hetseng.

H'a phethela, Mohlomphehi Mofosi o tiisitse hore 'Muso o tla tsoela pele ho beha maemo a leholimo leholo le ho tsebisa sechaba ka lintlafatso tsohle, e le hore liqeto tse nkoang li thehoe holim'a mahlale le bopaki, ho sireletsa bophelo ba batho, mekhoea ea boipheliso le tikoloho.

Ka bokhutšoanyane El Niño ha se komello. Ke temoso e fang naha monyetla oa ho itokisetša, ho sebelisa mahlale le ho nka mehato e ka fokotsang litlamorao tsa phetoho ea maemo a leholimo.

Mookameli oa komiti ea naha e shebaneng le litaba tsa phetoho ea boemo ba leholimo, Mofihli Phaqaane, o hlalositse hore khaello ka litaba tsa phetoho ea leholimo ke kobo anela. A re ba thoholetsa Lekala ka ho phamolela boemo bona holimo ho theola sechaba letsoalo ka ho ba ruta nako e sa le teng.

"Sena se re re loketse ho fana ka thuto ka nako hore Basotho ba ithlophe." Ke ena eo.

Seliba sa Tlhaka-Lia-Tloka se sireletsehile

Nthabeleng Seithleko

Lefapha la Bophelo ba Tikoloho le netefalitse hore metsi a seliba sa Tlhaka-Lia-Tloka, Nazareth, a bolokehile hore a ka nooa, leha seliba seo se le haufi le mabitla. Leha ho le joalo, baahi ba re ba ntse ba tšohile hore metsi a ka be a silafetse, 'me ba ipiletsa ho 'muso hore o ba fe phepelo e 'ngoe ea metsi a lipeipi.

Sena se latela littlelebo tsa baahi ba motse ona mabapi le seliba se haufi le mabitla, tse ileng tsa etsa hore Lefapha la Bophelo ba Tikoloho le etse boithuto ba metsi bakeng sa liteko tsa laboratori.

Ha a bua le sechaba ka la 15 Phupu monongoaha, Mohlahlobi oa Bophelo Setereke sa Maseru, 'Maleloko Ncheche, o itse liphetho tsa liteko li bontšitse hore metsi ha a na bothata e bile a sireletsehile bakeng sa tšebeliso ea batho.

O hlalositse hore ho fumanoa 'calcium' e nyenyane feela metsing, e leng liminerale tsa tlhaho tse tsoang mobung le mafikeng a ka tlas'a seliba, eseng sesupo sa tšilafalo.

Ncheche o itse lefapha la hae le tla tsoela pele ho

etsa liteko tsa metsi bonyane hang ka mor'a likhoeli tse tšeletseng, ho netefatsa hore boleng ba metsi bo lula bo sireletsehile.

O boetse a khothaletsa sechaba ho sebelisa metsi a hloekileng a lipeipi kapa a liliba tse sireletsoeng, 'me haeba ho ka hlaha tatso kapa monko o sa tloaelehang, metsi a belisoa pele a nooa. A boela a eletsa hore seliba le lekuka se hloekisoa likhoeli tse ling le tse ling tse tharo ho thibela likokoana hloko tse bakang mafu a fetisoang ke metsi.

Ka lehlakoreng la le leng, Mohlahlobi oa Bophelo 'Makarabo Letšopha o hlalositse hore melao ea tikoloho e re seliba se lokela ho ba bonyane limithara tse 30 hole le mabitla, athe seliba sena se fumaneha hole ka limithara tse fetang 300, e leng se fanang ka tiisetso e kholo ea hore ha se silafatsoe ke mabitla.

O khothalelitse sechaba ho tsoela pele ho sireletsa liliba tsohle tse teng le ho sebelisa metsi ka tlhokomelo.

Litsebi li boetse tsa khothaletsa baahi ho bokella metsi a pula bakeng sa mesebetsi ea malapeng e kang ho hlatsoa le ho hloekisa, e le ho matlafatsa bohloeki. Ba ile ba boela

ba lemosa ka litlamorao tsa tikoloho e sa hloekang, ba kopa haholo-holo basali ho khaotsa ho lahlela maleiri a lahloang feela naheng, empa ba a epelle likoting tse loketseng.

Leha litsebi li netefalitse hore metsi a bolokehile, baahi ba itse ba ntse ba noa ka tšabo. Ba re sebaka seo seliba se leng ho sona se ba tšoenya kelellong, kahoo ba lakatsa hore 'muso o ba hahele phepelo ea metsi a lipeipi.

'Mamahlele Matlali o itse leha ba boleletsoe hore metsi ha a silafala, tšabo e ntse e le teng, empa ha ba na khetho e 'ngoe, kaha seliba seo ba ileng ba iketsetsa sona ha se sa khona ho fana ka metsi a lekaneng.

Ka lehlakoreng le leng, Nyefolo Emile o lebohile basebetsi ba Lefapha la Bophelo ba Tikoloho ka thuto eo ba faneng ka eona, mabapi le bohloeki le tlhokomelo ea tikoloho.

Matau Matlali eena o ipilelitse ho 'muso hore o lokise kapa o kenye lipeipi tse ncha hore metsi a boele a fihle lipompong tsa sechaba tse seng li sa sebetse.

Ho sa le joalo, 'muso o ntse o tsoela pele ho atolosa phepelo ea metsi a nooang, a sireletsehileng ka morero oa Lesotho Lowlands Water

Supply Scheme (LLWSS), o reretsoeng ho ntlafatsa phepelo ea metsi le ho matlafatsa boitokisetso khahlanong le litlamorao tsa phetoho ea maemo a leholimo.

E le ho fihlela lipehelo tsa

Ntšetsopele ea Moshoelella haholo (SDG 6) e thusang bohlokoa ba hore batho bohle ba fumane metsi a hloekileng le litšebeliso tsa bohloeki ka tekano pele ho selemo sa 2030.

57396597
28 350 815

28 350 466
lesaoanat@gmail.com

Malebela

Scan me

U se u ka fumana buka ea Malebela ho marang-rang a boletsoeng ka tlase kapa oa sebelisa code e kaholimo.

"Get the Akello app on Play Store, App Store, or Huawei App Gallery for Mazenod books and more. Download now!"

https://library.akello.co/downloads

akello

Notice in terms of section 37 of the Administration of Estates and Inheritance Act. No.2 of 2024;

ESTATE LATE MOTHOBHI LEKHOTSO E802/2026

Notice is hereby given in terms of Section 61(B) of the Administration of Estates and Inheritance Act No.2 of 2024 calling upon all creditors of the deceased to lodge their claims with the administrator of the deceased's estate within thirty (30) days of publication.

The address at which the said claims can be lodged is mentioned hereunder;

ADDRESS: HA ABIA

CELL NO. 63147010

NAME: LEHLOHONOLO MONOTO

Lesotho le fehla motlase



Tšelisotho Thakholi

Naha ea Lesotho e tliil'o sebelisa chelete e kaalo ka M923Millione bakeng sa khaho ea leifo la phehlo ea motlakase ka letsatsi le kenyeletsang lekuka la pokello ea matla le tlang ho lumella hore motlakase o fumanehe le ha letsatsi le se le liketse, e leng khatelepele e kholo e tlang ho fihleloa papisong le morero oa pele, kaha o ne o sena lekuka. Tsena li hlalelletse puong ea Tona-Khoho Samuel Matekane nakong eo a neng a khakola Mokhahlelo oa Bobeli oa Phehlo ea Motlakase oa Letsatsi oa boima ba 50mw, tšebelatsong e bileng Ha Ramarothole, Mafeteng, mafelong a tsoa feta beke.

Tona-Khoho o boeletse sechaba se neng se phuthe-

hile moo ka bongata hore mokhahlelo ona oa bobeli o tliil'o matlafatsa le ho nyol-lela phehlo ea motlakase oa letsatsi ho bongata ba 80mw, 'me o tliil'o hokeloa marang-rang a motlakase a fepelang naha ka kakaretso. A re motlakase o hlalisoang kahar'a naha ha o lekane litlhoko tsa Basotho, 'me karolo e 'ngoe e rekoa kantle ho naha ka litheko tse boima haholo. Ka hona morero ona o tliil'o thusa naha ho fokotsa litheko tse phahameng tsa motlakase le ho boloka chelete ka ho se hlole ba reka motlakase.

A re tlhahiso ea motlakase o lekaneng e kenya letsoho le toma kholong le ntlafatsong ea moruo le boiketlo ba sechaba. A re 'muso o boetse o ntse o ithophiset-sa ho tla kenya tšebetsong merero e meng ea phehlo ea motlakase e kenyelet-sang sebakeng sa Oxbow

ka boima ba 80mw, Kobong, Katse le lihlabeng tsa



Mohale's Hoek hang boithuto bo se bo phethetsoe. A ipiletsa ho sechaba ho ba-

balla le ho sireletsa morero ona, kaha e le molemong oa bona le bana ba bona esita le naha ka kakaretso. "Re lokela ho sebetsa re ea pele e seng re ntse re lokisa moo ho ntseng ho senyoo ka boomo." Ke TK eo.

Letona la Matla le Lirafshoang, Mohlomphehi Lejone Mpotjoane o itse thomo ea pele eo Tona-Khoho a faneng ka eona ke ea hore ba lokela ho bona hore Naha ea Lesotho e iphehlela motlakase oo bao hlohang ka mekhoha e hloekileng le ho rekisetsa linaha tse haufi motlakase. A re chelete e fetang M1Billione ke chelete e tsoileng selemong sena, hobane ba reka mot-

sechaba sena sa Basotho motlakase mahala. Chelete eno ea mekhatlo eo ba neng ba e boeletse ba qale mekhatlo ea boipheliso.

A qetella ka hore o mong oa mosebetsi oa bona o moho ke ho tla alosa morero ona ho bona hore o phethe-loa hantle ka nako e boletsoeng, le hore sechaba sa koano se fumane mesebet-si ea nakoana.

Lebitsong la mokhetho oa oa Thaba-Morena, Dr. Retšelisitsoe Matlanyane o boletse hore Naha ea Lesotho e ntse e atamela ka matla a maholo haufi, le moo e tlang ho tseba ho iphehlela motlakase oa eona o lekaneng ho se ho sa re-

lakase kantle ho naha. A re ha naha e ka tseba hore e iphehlela motlakase ohle oo eo hlohang, "chelete ea naha ena etla phetha mabaka a mang a ntlafatso."

A re ba boetse ba amohe-tse thomo ea hore ba hokele sechaba sa Basotho motlakase, 'me a tšepisa hore thomo eo ba tliil'o e phetha kaha le libaka tse setseng joalokaha Tona-Khoho a se a phatlalalitse hore ka 2030 Mosotho e mong le e mong a be a hoketsoe motlakase ba tliil'o e phethisa. A re hone ho tloaelehile hore Basotho ba ipope ka mekhatlo ea bona hore ba bokelle chelete e le ho tla hokeloa motlakase, "me Mohlomphehi Tona-Khoho o fane ka leano le lecha la hore re hokele

koe o mong kantle ho naha. A re morero ona o boetse o tliil'o thusa hore qetellong ba tle ba tsebe le ho rekisetsa linaha tse ling. A re morero o tliil'o boela o fokotsa sekhahla sa tlhokahalo ea mesebetsi se teng kahare ho Setereke sa Mafeteng, kaha nakong ea tšebetso Basotho ba ka bang 400 ba tliil'o imona menoana ka phumantšho ea mesebetsi.

Ka thoko ho phehlo ea motlakase a supa hore tsietsi e kholo ea Setereke sa Mafeteng ke khaello e kholo ea metsi. "Re lebele-tse ba ikarabellang hore ba re fe metsi e le hore re tle re tsebe ho fihlela lintho tsa mantlha tsa bohlokoa e leng metsi, litsela le mesebetsi." A rialo.





TSA KEREKE

2025-2026 SELEMO A

SONTAHA SA 16 HAR'A SELEMO

Bohlale 12:13.16-19
Pesalema 85
Ba-Roma 8:26-27
Matheus 13:24-43



Khothatso

Boiphapanyo ba Molimo le mohau oa hae

Thuto ea pele eo re e balileng kajeno e qotsitsoe bukeng ea Bohlale. Ea re bontšitse hore Morena Molimo ke moahlohi ea lokileng, empa ea mohau o moholo 'me ea nang le boiphapanyo bo hollang. Leha a e-na le matla a ho timetsa baetsalibe, o ba fa sebaka sa ho baka.

Litaba tsena li ile tsa ngoalwa motseng oa Alexandria, moo Bajodi ba neng ba hloka botšephehi ho Morena Molimo. Mongoli oa tsona o hopotsa Bojodi hore ea nang le bohlale ba 'nete bo phethehileng ke Molimo oa Israele e leng Molimo oa lefatše lohle. O botša matla a hae ka mohau oa hae o moholo le ka ho tšoarela motho ea bakileng.

Batho ba phelang mehleng ea kajeno ba batla ba tšoaana le baahi ba Alexandria ba mehleng ea khale. Joaloka bona ba batla bohlale moo bo leng sieo. Ba hopola hore lehlohonolo le fumanoa lefatšeng lena, ba furalla mohloli oa bohlale ba 'nete e leng Molimo. Bohlale bo phethehileng, ba 'nete, ke ho tseba Molimo le ho ananela borena ba hae holim'a rona. Motho ea bohlale o leboha 'mopi oa hae ea mo lokiselitseng sebaka 'musong oa leholimo.

Evangelii e ntšetsa-pele thuto ea Buka ea Bohlale. Jesu o hlalose tsarutuo ba hae tsa 'muso oa maholimo, 'me o bua ka lipapiso hore ba tle ba utloisise. O re 'Muso oa maholimo o tšoaana le peo e nyenyane e fetohang sefate se sehohle ha e se e hotse. Ke hore Kereke e leng 'Muso oa Molimo lefatšeng e tsoanetse ho hola hanyane ka hanyane le ho kopanya bonngoe batho bohle ba lefatše.

Jesu o tsoela pele, o re: 'Muso oa maholimo o tšoaana le tomoso e lomosang hlama kaofela, ke hore: bakriste ba seng ba kene Kerekeng e tsoanetse ho ba tomoso sechabeng, tomoso ea lefatše, ka mehlala ea bona, e le hore molaetsa o molemo oa Kriste o tsejoe ka batho bohle ba lefatše, ba tla ba kene 'musong oa Molimo.

Papiso ea boraro eo Jesu a e sebelisang ho hlalosa 'muso oa Molimo ke ea mofoka tšimong ea koro. Seo a re bolellang sona ke hore Kerekeng, e leng 'Muso oa Molimo lefatšeng, baetsalibe ba tla 'ne ba be teng kamehla eohle, le bona batho ba khopisang ba bang, ba sitsang bakriste ba 'nete ho sala Kriste morao ka botšephehi.

Ho bile joalo ho tloha tšimolohong. Testamenteng ea khale, ho tloha ho bana ba Adama ho fihlela mehleng ea Kriste, re bona batho ba babe ba loantšang ba lokileng 'me ba ba hulelang bobeng. Esita le har'a baapostola ba leshome le metso e 'meli, Judas, o ile a eka Morena oa hae. A naniase le Sefire, ba lekileng ho thetsa baapostola, e ne e le mofok har'a bakriste ba pele. Re ka supa ba bang ba bangata, Ha re bala Histori ea Kereke, re hlokomela hore ho bile joalo kamehla. Linakong tsohle, esita le kajeno, Kereke e ntse e thulana le bakoenehi ba mefuta-futa, ka hare ho eona le kantle.

Kriste o n'a tseba hore ho tla ba joalo, 'me papiso ea hae e re hlalose hore re tsoanetse ho iphapanya, hobane mofoka o tla chesoa mohl'a kotulo. Batho ba babe ba bana ho atleha kamehla, epma ba tla ahloloe ka toka ka letsatsi la bofelo.

Morena Molimo o lumella hore batho ba babe ba be teng har'a rona, e le hore a nonye tumelo ea rona, re tle re pake botšephehi ba rona ho Kriste ka ho khetha pakeng tsa botle le bobele. Mohale oa 'nete o tsejoe ka mehoabali. Ka mokhoa o tsoanang mokriste oa 'nete o ipakahatsa ka nako ea meleko.

Mofoka ha o bolae koro e ntle, o mpa o e tlama ho itoanela e tle e phele 'me e hole. Ho joalo le ho mokriste. Ka nako e 'ngoe mokriste o iphuman a eme a le mong har'a banyefoli ba sa tsotelleng Molimo. Lira tsena tsohle ha li na matla a ho mo amoha tumelo ea hae. Mehlala e mebe e mo pota-potileng le likhopiso tsa tsatsi le leng le leng, le tsohle tse mpe li tla mo ruta ho matlafatsa le ho loanela tumelo ea hae. Haeba le eena a ka oa, e tla ba ka molato oa hae, hobane ha a ka a tseba ho loanela tumelo ea hae le ho e sireletsa ka thapelo le ka ho itšoarella ka Kriste kamehla.

Boiphapanyo ba molemi ea lesang mofoka hore o hole hammoho le kore ho fihlela nako ea kotulo bo paka bohlale ba hae. Boiphapanyo ba Molimo ea lesang ba khopo ho phela hammoho le ba lokileng ho fihlela letsatsi la bofelo, bo paka mohau o se nang moeli oa hae ho metsalibe, hobane leha mofoka o sitoa ho fetoha koro e ntle, moetsalibe eena ka ho sokoloha, a ka fetoha mokriste ea lokileng 'me oa 'nete. Maria Magdalena o ile a etsa joalo, Paulosi oa mohlorisi le eena o ile a fetoha ea e-ba moapostola. Morena Molimo o tseba baetsalibe, o tseba le bobele boo ba bo etsang, leha ho le joalo o ntse a ba rata 'me o ba fa monyetla oa ho sokoloha le ho khutlela ho eena. Hase libe tsa rona tse re isang tahlelong e sa feleng, empa ke ho hana ho baka ho khutlela ho Molimo.

Thuto eo re e fumaneng evangeling ena ke hore re iphapanyetse batho ba re poto-potileng 'me ba re sitisang ho tsoela pele tseleg ea khalalelo. Ba re thusa ho matlafatsa tumelo ea rona le makhabane a rona. Ha ho le joalo re leke ho iphapanyetse bona joaloka Morena Molimo. Re se ke ra ananela bobele boo ba bo etsang, empa re ba talime e le bana babo rona, re ba rate ka lerato la 'nete la Molimo 'me re etse ka matla 'ohle a rona, ho ba khutlisetsa tseleng e nepahetseng, ka mehlala ea rona, ka lithapelo tsa rona le ka lerato la rona.

Bahalaleli har'a Beke

20	Phupu	Elias
21	Phupu	Victor
22	Phupu	Plato
23	Phupu	Anne
24	Phupu	Godofredo
25	Phupu	Nissen

Re thuse ho phela

khotsong le leratong-Mobabatsehi

Tšelisano Thakholi

Woho Molimo oa toka le lerato, re hloho-nolofatse rona bacha ba Lesotho ba Ma-LCYM. O re thuse ho phela khotsong le leratong la hao." Ana ke mantsoe a Mobabatsehi Tlali Gerard Lerotholi OMI, litšebelatsong tsa Sehlabelo se Halalelang sa 'Missa seo a neng a koala boikhutso ba bacha ba Ma-LCYM bo

baka ba ntsoeleng ho rape-la le ho phela ka thapelo ea Francis ea Halalelang, e ahang sechaba ka lintho tse molemo, "naheng ea rona ea Lesotho e tummeng ka litlolo tsa molao e ka fetoha batho ba phelisana ka khotso."

H'a thetha litaba tsa hae Mobabatsehi o boletse hore mocha e mong le e mong, kaha ke ngoana oa Morena Molimo o loketse hore a 'ne a re: "ke phelela Molimo a

e siile thuto e matla le ho fetola bophelo ba sechaba. A ba leboha haholo haele mona ba ile ba khetha ho tla tšoarela boikhutso ba bona koano 'Mishoneng oa Pelo e Tlotlehang, ho tla hlasi-molla le ho tsosolosa bacha tumelong le bophelong ba bona ba letsatsi ka leng.

A ipiletsa ho bacha ho ea ithahloba hore na e fela mokhatlo oa bona o tliša liphetoho tse matla kahare ho Kereke ea Morena Moli-



bileng 'Mishoneng oa Pelo e Tlotlehang, Ha Seleso, ka la 8 ho isa la 12 Phupu monongoaha.

Mobabatsehi khothatsona ea hae o itse bacha bohle ba Ma-LCYM ba itšetlehe ka thapelo ea Francis ea Halalelang bophelong ba bona, e le hore morena a ba etse basebeleli ba khotso ea hae. "Moo lehloeo le leng teng, ke jale lerato. Moo batho ba fosetsaneng, ke jale tšoarelo. Moo lipe-laelo li leng teng, ke jale tšepo. Moo mosoabi a leng teng, ke jale thabo. Moo leshano le leng teng re jale 'nete. Moo lefifi le leng teng re tliše leseli." A rialo.

A tsoelapele ho toboket-sa hore bohle re bilelitsoe tumelo e behang litholoana, kaha e senang mesebetsi e shoele shoi! A re boikhut-song ba bona e mong le e mong hona le tse molemo tseo li kotutseng, 'me haele mona ba boela mahae tseleng moo ba tsamaeang le ha ba fihla mahaeng a bona ba jale tsohle tse ntle tse molemo tseo ba li fumaneng. A tiisa hore ha

inotši, 'me ke rata Kereke ea ka e Katholike le Naha ea haeso ea Lesotho." "Tseleng mona tsamaeang le jala tseo tse molemo." Ke Mobabatsehi eo.

Ke hona boikhutsona bona moo Rameea oa Ma-LCYM boemong ba Tikoloho e Kholo ea Maseru, Fr. Clement Tšita OMI a ileng a apesa le ho qhoaela lipele litho tse ncha tse ka bang 86 tse ileng tsa etsa boitlamo ba ho hlomphe le ho boloka melao ea mokhatlo. A ba hlokomelisa hore Kereke e kahare ho bona, 'me e lebelletse litholoana tse hlabosehang tse kang tsa manyalo a sekriste, baprista, baitlami le baetapele ba 'nete ba kajeno le kamoso sechabeng. "Ka hona Morena Molimo a ke a lesitse ka tumelo ea 'nete eo le tlang ho phela tsena tsohle ka eona." A rialo.

Molula-Setulo oa Lekhotlana, Monghali Constintinus Sebolai o thoholelitse le ho lebohela bacha ka mesebetsi e metle ea boapostola eo ba e entseng motseng oa Ha Abia. A re ketso ena

mo. "Ke lona le lokelang ho tliša liphetoho tse matla kahare ho Kereke, le hore na le ka lakatsa ho bona e tsamaea ka sebopeho sefe." Ke eena eo.

Thapelo ea Khotso

Oho Molimo oa toka le khotso, re hlonolofatse rona baahi ba Lesotho, 'me u re thuse ho phela khotsong le leratong la hao.

"Morena, nketse mosebetsi oa khotso ea hao. Moo lehloeo le leng teng, ke jale lerato. Moo batho ba fosetsaneng, ke jale tšoarelo. Moo lipelaello li leng teng, ke jale tumelo. Moo batho ba nyahameng pelo, ke jale tšepo. Moo lefifi le leng teng, ke tliše leseli, Moo masoabi a leng teng, ke jale thabo. Molimo oa ka, etsa hore Ke se ipatlele ho tšelisano, ke mpe ke tšelisano ba bang. Ke se ipatlele ho utloisisano, ke mpe ke be ea utloisisano ba bang. Ke se ipatlele ho ratoa, e mpe e be 'na ea ratang ba bang, Hobane ke ka ho fana, re fumanang, ka ho tšoarela, re tšoareloang. Ka ho shoa, re tsoalloang bophelo bo sa feleng.

Amen."

FIFA le SAFA li mesarelong

Tšeliso Thakholi

President ea FIFA le SAFA, Gianni Infantino le Danny Jordaan ka tatellano, ba kahare ho barati bohle ba bolo ea maoto lefatše ka bophara ba ntse ba romela melaetsa ea matšelisano ho ba lelapa la sebakali sa Naha ea Afrika Boroa, Jayden Adams(25) ea fumanoeng ke sepolesa a timetse motseng oa Schotsche Kloof, Cape Town, mesong ea la 11 Phupu monongoaha.

Lefu lena le makalitseng le ho siea lipotso li hana ho fela, ho barati ba bangata ba bolo ea maoto le tlalehoa le phatlalalitsoe ke sehlopha sa Mamelodi Sundowns ka Moqebelo, kamor'a hore sealuma sena se phatlalalitsoe ke bo-ralita-ba pele ba lelapa ba tsebisoa ka molao. Sepolesa sa Cape Town se thakhotse lipatlisiso tse tlang ho utulla sesosa sa lefu la Adams, kaha ho fihlela ha joale se ntse se e-s'o tsejoe.

Khalala ena lefu le mo khaoletsa libeke li se kae kamor'a hore sehlopha sa habo sa Afrika Boroa se

khutletse hae, kamor'a ho hloloa ke Canada ka 2-0 mokhahlelong oa lihlopha tse 32 tsa Mohope oa Lefatše tse ntseng li bapaloa Naheng ea Amerika. Jayden Adams o bapetse lipapali tse tharo tsa Mohope oa Lefatše, moo a ileng a qala ho bapala lipapali tsa Mokhahlelo oa A khahlanong le Mexico e ileng a hlola Afrika Boroa ka 2-0.

Papali e hlalamang eo a ileng a e bapala ke moo Afrika Boroa e ileng ea bapala ka seahlolo sa 1-1 le Czech Republic, 'me papali ea ho qetela e bile eo Afrika Boroa e neng e tsoa ka lesoba la nale ha e ne e sasara South Korea ka thupa e bohloko ea 1-0. Athe haele papaling ea Canada le Afrika Boroa moo sehlopha sa habo se ileng sa hlatsoa jesi, o ne a lutse bencheng h'a kaba a kena ho hang.

Adams h'a qala ho itšupa hore ona le talenta o ne a bapalla sehlopha sa Stellenbosch, 'me sehlopha sa Liki e Kholo sa Mamelodi Sundowns sa khahloa ke khalala ena, sa mo nka ho mo tlisa kahare ho sehlopha hoo qetellong ka lebaka la boiphihlelo bolong ea mao-



to, mokoetlisi oa sehlopha sa Naha ea Afrika Boroa e leng Hogos Broos a ileng a mo thonyetsa kahare ho sehlopha sa hae se bapetseng lipapaling tsa Mohope oa Lefatše tsa monongoaha. Har'a e meng ea menyabuketso eo a tlang ho hopoloa ka eona papaling ea bolo ea maoto, ke ho thusa sehlopha sa habo sa Mamelodi Sundowns ho hapa Mohope oa African Champions League oa selemo sa 2025/2026.

Ho sa le joalo, ho tsa Mohope oa Lefatše tse seng li haba ho ea fihla pheletsong mafelong ana a beke li se li saletsoe ke mokhahlelo

oa ho qetela oa lipapali tsa makhaola-khang tse tla bapalloa lebaleng la Metlife, New York ka la 19 Phupu monongoaha.



Letsie lieteng tsa Galeboe

Tšeliso Thakholi

Sehlopha se ileng sa tuma haholo ka papali ea sona e tsoileng matsoho lipapaling tsa Liki e Kholo ngoahola, sa LMPS 'Semonye' ka moo ba e bitsang ka teng, se tiisitse hore Monghali Masupha Letsie e tla ba eena mokoetlisi e mocha oa sehlopha selemong se secha sa lipapali se tlang ho thoasa, ea kenang lieteng tsa Monghali Itumeleng Galeboe kamor'a ho itokolla sehlopheng selemong se fetileng sa lipapali.

Puisanong le Raliphatlatso oa sehlopha sa LMPS 'Semonye', Monghali Lekhooana Lekhooana o boletse hore thomo ea mantlha ea mokoetlisi e mocha kahare ho sehlopha ke ho tla se thusa ho khutlisa seriti sa sona, kaha selemong se fetileng sa lipapali se bonahetse se sa sebetse hantle. LMPS e phethe-tse lipapali tsohle tsa eona ngoahola e se e theohetse boemong ba leshome. Ha e ile ea qala liki hantle e le kahar'a lihlopha tse robeli tse ka holimo.

Lekhooana o re khaho ea



seriti sa sehlopha e fa barati le batšehetsi ba sehlopha morolo le ho se tšehetsa ka matla a maholo, joalokaha se ne se batla se amehile haholo ke taba ea tebetso ea sona e sakang ea eba ntle, haholo-holo mokhahlelong oa bobeli oa lipapali tsa liki. A tiisa hore LMPS selemong

se fetileng ha ea ka ea sebetse hantle ho latela ka moo se neng se lebeletsoe ka teng, 'me taba ena ha ea ka ea ama libapali, botsamaisi le bakoetlisi, empa e ile ea ama habohloko beng ba sehlopha e leng batehetsi ba sona.

O re boteng ba Mokoetlisi

Masupha Letsie eo a tlii'o sebetse 'moho le Monghali Mosito 'Careca' Matela e le motlatsi oa hae, ha Sheli Ramoseka e tla be e le motlatsi oa bobeli oa mokoetlisi, ke hore ba tlii'o thusa sehlopha ho khutlisa seriti sa sona ka ho bapala papali e tsoileng matsoho, e tlang

ho khutlisa tepo le lerato la batehetsi ba sona, le ho hapa lipapali tsohle tseo se tlang ho libapala hang ha liki e qala.

Lekhooana o lielletse ka hore e le botsamaisi ba sehlopha boteng ba mokoetlisi e mocha 'moho le motlatsi oa hae, ke a mang a maoala ao ba tlii'o a sebelisa ho baleha maemo a sakang a eba matle a sehlopha selemong se fetileng. "Re hliile re qalile ka ho matlafatsa sehlopha ka ho ba fumanela bakoetlisi ho sa khanya, e leng hona moo e hlileng re neng re hliile re lakalitse ho qala hona teng pele, kaha sena se tla re tlišetsa phetoho e kholo papisong le nako e fetileng." Ke eena eo.

LMPS e se ena le lilemo tse leshome e le kahare ho Liki e Kholo ea Vodacom, 'me ha e-s'o hape liki ho hang. Empa e kile ea hapa Mohope oa Boipuso ka 2007 le oa Top 8 ka 2008 le 2009. Hona ke qolotso e kholo ho bakoetlisi ba bacha ho tlisa liphetoho e le ka 'nete kahare ho Semonye, e leng ho bona hore har'a tse ling tsa bohlokoa ba thabisa barati le batehetsi ba sona ka ho ba tlela le liki, joalokaha ba tsetselela hore selemong sena se secha LMPS e lokela ho ba eona mpoli oa liki.

Likhosatsana e thabisa Basotho

Tšeliso Thakholi

Ebile thabo e kholo le monyaka ha Sehlopha sa Naha sa Bolo ea Maoto sa Banana sa Likhosatsana se etsa nalane, ka ho ikhapela Mohope oa Legacy Tournament lekhetlo la pele, kamor'a ho sasara sa CUT ka

Free State, Afrika Boroa, mafelong a beke a tsoa feta. Ha e betla tsela ea eona ea ho fetela mokhahlelong o hlalamang oa makhaola-khang, Likhosatsana e ile ea qala pele ka ho teteka Dikonyela ka 7-0, moo khallala ea Lesotho e leng Boiketlo Molise a ileng a hakisa lintlha tse peli kahare ho

borata ka Dikonyela ho fihlela lia khafutsona. Ha li khutla khafutsona Likhosatsana e kene e se e jele masoko, e sa thibehe e se e le mpe e re be! Metsotsong e latellanang ea bo 75 le 78 ke ha Tebello Lesala le Boiketlo Molise ba e ketsa lintlha e ba 7-0. Molise a hlaba lintlha tse

se sebetsa ka makhetha ha kana, ha se le lipapaling tsa machaba e bile sebakala kante ho naha. Ha se fihla papaling ea makhaola-khang moo se ileng sa isana holimo le tlaase le CUT, libapali tse kotsi haholo tsa Likhosatsana e leng Tebello Lesala le Boitumelo Molise, ka tšebe-

maholo ho tlišetsa Naha ea Lesotho tlhola ka ho hlaba lintlha tse 3-0, eba mohope o majaba-jaba o tla Lesotho. Barati le batšehetsi ba bolo ea maoto ba neng ba khotsa ba sa qete, ba bile ba makaletse mohlolo ona o etsahetseng oa hore Lesotho le tle le mohope, ba thoholelitse tšebetso e ntle e etsoeng ke Likhosatsana 'me ba bontša khotsofalo e kholo. Ba tiisa hore ha e'a ba tsela e bonolo ho tla fihla ho makhaola-khang le ho hapa mohope, empa baroetsana ba Lesotho ba bontšitse boitelo le lerato le tebileng la naha ea habo bona. "Ke oo mohlala o motle ho oena Mehalalitoe le Likuea ha e tla be e bakala le Morocco ka Loetse." Ke bona bao. Ho sa le joalo, ke hona lipapaling tsena moo ho ileng ha abeloa libapali tse ipabotseng likhau, 'me Boiketlo Molise e iphumanela khau ea ho ba sebakali se hlabileng lintlha tse ngata e leng tse hlano kaofela. Lesala Tebello a fuoa khau ea ho ba sebakali se bapetseng hantle ha mokoetlisi Tlamela Tjamela a ile a ikhapela ea ho ba mokoetlisi ea hloahloa.



phafa e bohloko ea 3-1 papaling ea makhaola-khang e bileng Junifesithing ea

letanta karolong ea pele ea papali, moo banana ba Lesotho ba neng ba iketsetsa

hlano kaofela papaling eo. Sena ke lekhetlo la pele sehlopha sa Naha sa Lesotho

lisano 'moho e tsoileng matsoho e le sehlopha ba ile ba sebetsa ka makhetha a

Bantu e roalla le sa sele

Tšeliso Thakholi

Sehlopha sa Liki e Kholo ea Vodacom sa Bantu 'A Matšo Matebele' se phatlalalitse karolo ea pele ea mabitso a libapali tse ncha, tse tlang ho e hlanaka selemong sena se secha sa lipapali se tšil'o qala ka Loetse monongoha. Bakoetlisi ba matlafalitse sehlopha haholo mpeng ea leballa le moleng o kamorao, e leng hona moo ho neng ho hlile ho bonahala sehlopha se haella haholo. Har'a libapali tsena tse ncha tlhapi e kholo eo sehlopha sa Bokaota se atlehileng ho e pitla, e neng e hlile e shebiloe ka leihlo le nchocho ke lihlopha tse ngata tsa Liki e Kholo, ke 'mapala-hare oa sehlopha sa Linare e leng Khaka Velaphi. Velaphi ke e mong oa libapali tse matla haholo tse bileng li nang le boiphihlelo papaling ea bolo ea maoto. Ho feta mona libapali tse ling ke sethibathibane Khotso Senatla o tsoa sehlopheng sa AC TIP, ebe libapali tse peli tse bapalang moleng o kamorao e leng

Tšepo Monyane ho tsoa ho Lijabatho le Lebeko Moalosi o hlaha ho Kick4Life Juventude. Athe ba bapalang mpeng ea leballa ba tlang ho sebetsa 'moho le Velaphi ke Thabo Khasane le Hlompho Phalatsi bao bobeli ba tsoang ho Kick4Life Juventude. Haele Rethabile Mokhosi eena o bakala ka mapheong 'me o tsoa sehlopheng sa Hunters Academy. Ho sa le joalo, Bantu e boetse ea lokolla libapali tse leshome kaofela tse kenyeletsang libapali tsa nako e telele haholo sehlopheng e leng 'mapala-morao ea matla haholo Johannes Molapo, Motlomelo Mkwana ea seng a le sehlopheng sa Lijabatho le 'Mallere Lebetsa. E boetse e lokollotse mohlaba-lintlha ea neng a sa tsoa tekenoa selemong se fetileng sa lipapali, a tsoa sehlopheng se ntseng se le secha haholo kahar'a Liki e Kholo sa Majantja e leng Moriana Moriana. Ba bang ba lokollotsoeng ba ntseng ba e-s'o fumane lihlopha tseo ba libapallang ke Motlatsi Sebakala, Tumelo Khabele, Katiso Selili, Sbonizo Mahlangu le Falla Leballo. Pusanong le Raliphatlatso oa sehlopha

sa Bantu, 'Matlholohofatso 'Connie' Masita o re thomo ea mantlha eo mokoetlisi Motheo 'Six to Six' Mohapi a e filoeng ke ho tlišetsa sehlopha tlhola litholisano tsohle tseo se tlang ho li bakala tse kenyeletsang Mohope oa Liki. A tiisa hore sehlopha sa habo se mala-a-laotsoe ha selemo se secha sa lipapali

tse liki se qala, 'me sehlopha se sa ikatelang se tšil'o utloa ka letlalo hore Bantu e teng kahare ho batho! Sehlopha sa Bantu ngoahola se phethetse lipapali tsa sona se le maemong a bobeli ka lipapali tse 30, sa hapa tse 17, sa bakala ka ho lekana ho tse supileng, sa lahleheloa ke tse hlano, sa bokelletsa lintlha-khola

tse 58 ka mokotleng. Bantu ke se seng sa lihlopha tse supileng se ileng sa lahleheloa ke lipapali tse fokolang haholo ka palo selemong se fetileng sa lipapali, 'me selekana le sa Majantja ka ho lahleheloa ke lipapali tse hlano sehlopha ka seng. Ha bompoli ba Liki e Kholo Lijabatho le Matlama li e ntse nalane liking e tsoa feta ka ho lahleheloa feela ke lipapali tse tharo selemo kaofela.

